



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati  
Ac Religiosissimi viri, Carthusiae Coloniensis ante annos  
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati  
restituta, & indicibus locupletata

De Tempore

**Landsberg, Johannes Justus**

**Coloniae Agrippinae, 1631**

titulo fuit signatus. Artic. LIV.

[urn:nbn:de:hbz:466:1-47044](https://nbn-resolving.org/urn:nbn:de:hbz:466:1-47044)

non ex ea, quæ nobis iniuste imponitur, culpa meruimus, tamen vel alia dignè incidimus: ideo nunquam sumus omnino innocentes.

*IESVS TITVLO FVIT SIGNA-  
tus. Articulus LIIII.*

Titulus cui  
cruci Iesu su-  
perpositus  
fuerit.

**M**OS fuit Romanis, damnatorum causam super crucem scribere, vt legerent prætereuntes. Hoc tamen forsitan non omnibus fiebat, sed malefactoribus insignibus. Vnde & super crucem Domini Iesu titulum, causam crucifixionis continentem poni petierunt, & obtinuerunt Iudæi, & non super latronum cum eo crucifixorum, in omnibus querentes infamari innocentissimum Dominum. *Scriptis autem & titulum Pilatus & posuit super crucem. Erat autem scriptum: Hic est Iesus Nazarenus rex Iudæorum. Hunc ergo titulum legerunt multi Iudæorum: quia prope ciuitatem erat locus, ubi crucifixus est Iesus. Et erat scriptum Hebraicè, Græcè & Latine.* Scripsit ergo, inquit Euangelista, Pilatus, sed non sicut ipsi volebant titulum, & super crucem Domini Iesu poni fecit. Iesús de Nazareth rex Iudæorum. Iudæi legentes hunc titulum, ad sui confusionem iudicabant scriptum, (vt scilicet crucifixus esset, quia erat rex Iudæorum) ideo corrigere tentabant. Dicebant ergo Pilato Pontifices Iudæorum, *Noli scribere, Rex Iudæorum*, id est, quod sit rex Iudæorum, vel ideo crucifixus sit, quia sit rex Iudæorum, quia hoc esset ei aliqua honor, & nobis confusio: Sed scribe, *quia ipse dixit, Rex sum Iudæorum*, id est, quia se exhibuit regni inuasorem, & temerarie, cum non sit, regem se nominauit: ideo vt tyrannus crucifixus sit. Pilatus autem licet tituli mysterium nesciret, nec veritatem intelligeret, tamen Deo sic ordinante, & in corde nescientis disponente, mutare noluit, *Respondit Pilatus, Quod scripsi, scripsi, id est, hoc ratum & fixum manebit, quia verum est, per hoc notatur diuinitus fuisse procuratum, vt talis titulus super caput eius poneretur, vt per hoc Iudæi agnoscerent, quod nec occidendo facere potuerunt vt eum regem non haberent.* Vnde iste titulus immutabilis fuit, non quia Pilatus scripsit, sed quia Dominus ipsemet dixit. *Rex sum Iudæorum. Et stabat populus expectans.* Documentum hic habemus, vt quantumcunque à diabolo visibiliter vel invisibiliter impugnamur, hunc titulum ei opponamus: quia eneruat vires eius, & ipsum permaximè fugat, vt habetur ex certis reuelationibus. Item hic discimus, quod non est consilium contra Deum, non est sapientia contra Dominum: quia licet multa facerent Iudæi, & quicquid possent, tentarent, vt non rex Iudæorum, vel Christus diceretur: Dominus Iesus: tamen vellet, nollet etiam à gentibus & à iudice confitebatur, & scribebatur rex Iudæorum, sicut verum fuit. Item hic discimus. Si quandoq; veritas impugnetur, & opprimatur ad tempus, tamen nouissimè & finaliter præualet & clarescit.

Tituli crucis  
Christi virtus  
quanta sit.

Pro. 21.  
Consilium  
diuinum per  
neruicem  
posse labefac-  
tari sit.

Matth. 7.  
Marc. 15.  
Luc. 23.  
Ioan. 19.

*IESV VESTIMENTA PAR-*

*tiuntur. Articulus LV.*

**M**ILITES ergo cum crucifixissent eum, acceperunt, & diuiserunt vestimenta eius, sortem mittentes super eum, quis quid tolleret. Et fecerunt quatuor partes: vnicuique militi partem. Est ergo verborum sensus, quod quum milites crucifixissent Dominum, diuiserunt inter se vestimenta eius, facientes quatuor partes, cuiuslibet suam partem. Et tunicam, quam non diuiserunt, sed miserunt pro ea sortem, cuius esset futura: quia inconsutilis erat, more pauperum